

禮

記

箋

禮記

曾子問第七

曾子問曰君薨而世子生如之何孔子曰卿大夫士從

攝主北面於西階南

變於朝夕哭位也攝主上卿代君聽國政○愚按攝主冢宰也有故

乃以上卿耳

大祝裨冕執束帛升自西階盡等不升堂命母

哭

將有事宜清靜也裨冕者接神則祭服也諸侯之卿大夫所服裨冕絺冕也玄冕也士服爵弁服大祝裨

冕則大夫祝聲三告曰某之子生敢告

聲噫歆警神也升奠某夫人之氏也升奠

幣于殯東几上哭降

几筵於殯東明繼體也

眾主人卿大夫士房

中皆哭不踊

眾主人君之親也房中婦人○愚按不踊以未反位故也

盡一哀反位

遂朝奠

反朝夕哭位○方氏苞曰遂朝奠則知告必以朝

小宰升舉幣

所主也舉而下

埋之

三日眾主人卿大夫士如初位北面

三日負子日也初告生時

大宰大宗大祝皆裨冕少師奉子以衰祝先子從宰宗

人從入門哭者止

宰宗人詔贊君事者○愚按太宰為攝主也今從諸臣之位執事者子見

即子為主矣

無為攝主也故變文曰太宰而已奉子以

衰王肅謂以衰衣而奉之是也○方氏苞曰前曰太宰

太宗後曰宰

宗人省文也子升自西階殯前北面祝立于殯東南隅

祝聲三曰某之子某從執事敢見子拜稽顙哭

奉子者拜哭○

愚按殯前北面者疏云殯以東為前謂當殯之東稍南北面是也

祝宰宗人眾主人卿

大夫士哭踊三者三降東反位皆袒子踊房中亦踊三

者三襲衰杖

踊襲衰杖成子禮也○疏云降謂降自西階也堂上皆降反東在下者皆東反朝夕

哭奠出

亦謂大宰命祝史以名徧告于五祀山川

之喪於禮略也

曾子問曰如已葬而世子生則如之何孔子曰大宰大

宗從大祝而告于禩

告主也○疏云禩父殯宮之主也

三月乃名于禩

以名徧告及社稷宗廟山川

○愚按禮皆同前故略也惟易三日為三月者疏云

葬後神事之故依平常之禮三日不見也三月乃見因見乃名故云乃名于禩也雖三日不見其成服衰經自

依常禮也○方氏苞曰前徧告于五祀山川于當作及此徧告及社稷宗廟山川及當作于蓋互譌也

孔子曰諸侯適天子必告于祖奠于禩之互文也告冕

而出視朝聽國事也諸侯朝天子必裨冕為將命祝史

告于社稷宗廟山川臨行又徧告宗伯驚子男毳

后行五官五大夫典事者道而出祖道也聘禮曰出告

者五日而徧過是非禮也既告不凡告用牲幣反亦如

之牲當為制字之誤也制幣一丈八尺○愚按牲讀如

字天子出歸格祖禰用特諸侯當略同疏云諸侯禮

不應泥諸侯相見必告于禰不親告祖朝服而出視

朝朝服為命祝史告于五廟所過山川山川所不過則

也亦命國家五官道而出反必親告于祖禰乃命祝史

告至于前所告者而后聽朝而入反必親告祖

禰同出入禮

曾子問曰竝有喪如之何何先何後竝謂父母若親同者同月死孔

子曰葬先輕而後重其奠也先重而後輕禮也自啓及

葬不奠不奠務於當葬者行葬不哀次不哀次輕於在殯者反葬奠而后

辭於殯遂脩葬事殯當為賓聲之誤也辭於賓謂告將葬啟期也○愚按殯讀如字辭於殯

謂告於父殯宮也其虞也先重而後輕禮也

孔子曰宗子雖七十無無主婦族人之婦不可無統非宗子雖無

主婦可也

曾子問曰將冠子冠者至揖讓而入聞齊衰大功之喪

如之何冠者賓及贊者孔子曰內喪則廢外喪則冠而不醴徹

饌而埽即位而哭如冠者未至則廢

內喪同門也不醴不醴子也其廢者

喪成服因喪而冠○方氏苞曰外喪謂喪家在國外也舊說大門內外誤矣

如將冠子而未

及期日而有齊衰大功小功之喪則因喪服而冠

廢吉禮而

因喪冠俱成人之服及至也

除喪不改冠乎孔子曰天子賜諸侯大

夫冕弁服於大廟歸設奠服賜服於斯乎有冠醺無冠

醺

酒爲醺冠禮醺重而醺輕此服賜服酌用酒尊賜也不醴明不爲改冠改冠當醴之○方氏苞曰大夫而

有未冠者亦謂內諸侯世有采地者耳

父沒而冠則已冠埽地而祭於禩

已祭而見伯父叔父而后饗冠者

饗謂禮之○方氏苞曰古者期之親卽異

宮必同都宮故可見伯叔父而後饗冠者

曾子問曰祭如之何則不行旅酬之事矣孔子曰聞之

小祥者主人練祭而不旅奠酬於賓賓弗舉禮也奠無尸虞

不致爵小祥不旅酬大祥無無算爵彌吉昔者魯昭公練而舉酬行旅非禮

也孝公大祥奠酬弗舉亦非禮也孝公隱公之祖父

曾子問曰大功之喪可以與於饋奠之事乎饋奠在孔殯時也

子曰豈大功耳自斬衰以下皆可禮也會子曰不以輕

服而重相爲乎怪以重服而爲人執事○愚按以已古通用已太也孔子曰非此

之謂也非謂爲人謂於其所爲服也天子諸侯之喪斬衰者奠爲君服者

皆斬衰唯主人不奠大夫齊衰者奠服斬衰者不奠辟正士則朋



友奠不足則取於大功以下者不足則反之

服齊衰者不奠辟大

夫也言不足者謂殷奠時○陳注云反之反取大功以

上也疏云反取前人執事者充之○方氏苞曰奠不取

於親者不使執事以曾子問曰小功可以與於祭乎謂祭

聞其哀上下所同也虞卒孔子曰何必小功耳自斬衰以下與祭禮也會子

哭時曰不以輕喪而重祭乎怪使重孔子曰天子諸侯之喪

祭也不斬衰者不與祭大夫齊衰者與祭士祭不足則

取於兄弟大功以下者曾子問曰相識有喪服可以與

於祭乎問已有喪服可以孔子曰總不祭又何助於人

○方氏苞曰總不祭屢見於經然似不可通行如鄭

宋諸大族總之喪無時無之宗廟之祭必曠絕矣

曾子問曰廢喪服可以與於饋奠之事乎謂新除喪服也孔子

曰說衰與奠非禮也執事於人之神爲其忘哀疾也以擯相可也

曾子問曰昏禮既納幣有吉日女之父母死則如之何

吉日取女之吉日孔子曰壻使人弔如壻之父母死則女之家

亦使人弔必使人弔者父喪稱父母喪稱母禮宜各以

父使人弔之辭云某子聞某之喪某子使某如何不淑

母則若云宋蕩伯姬聞姜氏之喪伯姬使某如何不淑

一耳父母不在則稱伯父世母弔禮不可廢也伯父

母壻已葬壻之伯父致命女氏曰某之子有父母之喪

不得嗣爲兄弟使某致命女氏許諾而弗敢嫁禮也必致

命者不敢以累年之喪使人失嘉會之時

○愚按嗣後嗣也昏姻家世世爲兄弟

父母使人請壻弗取而后嫁之禮也

請請成昏

女之父母死

壻亦如之

女免喪壻之父母亦使人請其已葬時亦致

后嫁之禮之變也

○愚按壻免喪而取之禮之正也弗取而

嫁尤害義傷教

此注家之誤也其禮與辭乃爲有吉日

而設不得嗣爲兄弟者謂不得繼嗣前所擇日而成婚

禮也女氏許諾許以改期也免喪而請請其日也壻弗

取餘哀未忘不忍速受室也而后嫁之強而後可卽嫁

於免喪之壻也若既納幣而

未請期則無此禮與辭矣

曾子問曰親迎女在塗而壻之父母死如之何孔子曰

女改服布深衣縞總以趨喪

布深衣縞總婦人始喪未成服之服

女在塗

而女之父母死則女反

奔喪服期○愚按親迎女在塗

其女之父母死女亦反改服奔喪而服期與已嫁者同明暫反也

如壻親迎女未至而

有齊衰大功之喪則如之何孔子曰男不入改服於外

次女入改服於內次然後卽位而哭

不聞喪卽改服者昏禮重於齊衰以

下曾子問曰除喪則不復昏禮乎

復猶饋也孔子曰祭過時

不祭禮也又何反於初

重喻輕也同牢及饋饗相飲食之道

孔子曰嫁女之家三夜不息燭思相離也

親骨肉也取婦之

家三日不舉樂思嗣親也

重世變也

三月而廟見稱來婦也

擇日而祭於禰成婦之義也

謂舅姑沒者也必祭成婦義者婦有供養之禮猶舅

姑存時盥饋  
特豚於室

曾子問曰女未廟見而死則如之何孔子曰不遷於祖  
不祔於皇姑壻不杖不菲不次歸葬于女氏之黨示未  
成婦也

遷朝廟也壻雖不備喪  
禮猶爲之服齊衰也

曾子問曰取女有吉日而女死如之何孔子曰壻齊衰  
而弔既葬而除之夫死亦如之

未有期三年之恩也女  
服斬衰○愚按取女有

吉日有爲夫婦之漸也故以其服服之夫死女以斬衰  
弔亦葬而除之爲未成夫婦也○方氏苞曰女宜斬衰

而不弔期而後  
除泣而無聲

曾子問曰喪有二孤廟有二主禮與

怪時有之

孔子曰天無

二日土無二王嘗禘郊社尊無二上未知其爲禮也

尊

卑也神雖多猶一一祭之昔者齊桓公亟舉兵作僞主以行及反藏

諸祖廟廟有二主自桓公始也

僞猶假也舉兵以遷廟主行無則主命爲假主

也喪之二孤則昔者衛靈公適魯遭季桓子之喪衛君

請弔哀公辭不得命公爲主客人弔康子立於門右北

面公揖讓升自東階西鄉客升自西階弔公拜興哭康

子拜稽顙於位有司弗辯也今之二孤自季康子之過

也辯猶正也若康子者君弔其臣之禮也鄰國之君弔

君爲之主主人拜稽顙非也當哭踊而已靈公先桓子以魯哀公二年夏卒桓子以三年秋卒是出公也○

方氏苞曰注未明宜辯者何事唐宋諸儒皆謂哀公爲

主既拜賓季孫不宜更拜誤矣古者國君雖有親弔士大夫之禮然不過始至升階而哭既斂當心而馮奠設要節而踊未聞有拜禮也衛侯之弔卽固辭不獲命有司宜陳君臨臣喪之禮有哭踊而無拜俾公與衛侯立於堂上而季孫拜於階下也哀公下同季氏之孤天澤易位云云○愚按喪之有拜義爲賓設非施於死者也且據禮而言臣子一例喪服小記云爲父母長子稽顙以下先拜後稽顙也雖總必稽顙者尊大夫也尊者爲卑稽顙猶不得辭況拜乎拜以爲賓爲長子稽顙則爲大臣拜賓義奚不可也禮主賓敵體衛君君也康子臣也臣爲主而拜賓置魯君於何地小記云諸侯弔異國之臣則其君爲主不易之論也又引君弔其臣無拜禮以此正魯公之失亦非也君弔己國之臣無敢失禮得降禮於臣也君待異國之君必拜者主無敢失禮於賓也魯公之舉蓋未爲失方氏之論似未爲得也

曾子問曰古者師行必以遷廟主行乎孔子曰天子巡

守以遷廟主行載于齊車言必有尊也今也取七廟之

主以行則失之矣齊車當七廟五廟無虛主虛主者唯

天子崩諸侯薨與去其國與祫祭於祖爲無主耳吾聞

諸老聃曰天子崩國君薨則祝取羣廟之主而藏諸祖

廟禮也卒哭成事而后主各反其廟老聃古壽考者之

藏諸主於祖廟象有凶事者聚也卒哭成事先祫之祭

名也○陸德明曰老聃卽老子也王氏曰此老聃非作

言者君去其國大宰取羣廟之主以從禮也鬼神依祫

祭於祖則祝迎四廟之主祝接神主出廟入廟必蹕蹕止

也行老聃云曾子問曰古者師行無遷主則何主孔子曰



主命問曰何謂也孔子曰天子諸侯將出必以幣帛皮圭告于祖禘遂奉以出載于齊車以行每舍奠焉而后就舍

以脯醢禮神乃敢即安也

反必告設奠卒斂幣玉藏諸兩階之間乃出蓋貴命也

子游問曰喪慈母如母禮與

如母謂父卒三年也子游意以爲國君亦當然禮所

云者乃大夫以下孔子曰非禮也古者男子外有傅內

有慈母君命所使教子也何服之有

言無服也此指謂國君之子也大夫

士之子爲庶母慈己者服小功父卒乃不服○齊召南曰按南史儒林傳梁武帝敕官議皇子慈母之服司馬鈞引此經及鄭注云國君之子不服則王者之子可知

宜依禮刊除以正前代之惑梁武帝謂禮言慈母有三

條一則妾子之無母使妾之無子者養之命爲母子服  
以三年喪服齊衰章所言慈母如母是也二則嫡妻之  
子無母使妾養之慈撫隆至妾無爲母之義而恩深事  
重故服以小功喪服小功章所以不直言慈母而言庶  
母慈已者明異於三年之慈母也其三則子非無母正  
是擇賤者視之義同師保而不無慈愛故亦有慈母之  
名師保既無服則此慈母亦無服矣內則云擇于諸母  
與可者使爲子師其次爲慈母次爲保母此其明文也  
子游所問自是師保之慈非三年小功之慈也故夫子  
得有此對豈非師保之慈母無服之證乎鄭元不辨三  
慈混爲訓釋按司馬筠直據此經甚確但慈母實  
有不同梁武所論亦從來說經者之所未斷也 昔者

魯昭公少喪其母有慈母良及其死也公弗忍也欲喪

之有司以聞曰古之禮慈母無服據國君也良善也謂

君之妻子於禮不服也昭公年三十乃喪齊歸猶無戚  
容是不少又安能不忍於慈母此非昭公明矣未知何

公也今也君爲之服是逆古之禮而亂國法也若終行之

則有司將書之以遺後世無乃不可乎公曰古者天子

練冠以燕居公弗忍也遂練冠以喪慈母喪慈母自魯

昭公始也

公之言又非也天子練冠以燕居蓋謂庶子王爲其母

曾子問曰諸侯旅見天子入門不得終禮廢者幾旅孔

子曰四請問之曰大廟火日食后之喪雨雪服失容則

廢大廟始祖廟宗廟皆然主於始祖耳○愚按魏志劉劭傳云太史上言正旦當日蝕或云當廢朝或云宜

卻會劭引此記而云然則聖人垂制不爲變豫廢朝禮者或災消異伏或推術謬誤也荀彧善其言收朝會如

舊日亦不蝕裴松之注引晉建元中朝議駁之曰尋此四事之指自謂諸侯雖已入門而卒暴有之則不得終

禮非為先存其事而微倖史官推術錯謬故不豫廢朝禮也云云遂卻元會如諸侯皆在而

日食則從天子救日各以其方色與其兵示奉時事有所討也方色

者東方衣青南方衣赤西方衣白北方衣黑兵未聞也

○顏師古匡謬正俗云按黃帝素問及淮南子等諸書

說五方之兵東方其兵矛南方其兵弩中央其兵劍西方其兵戈北方其兵鉞大廟火則從天

子救火不以方色與兵

曾子問曰諸侯相見揖讓入門不得終禮廢者幾孔子

曰六請問之曰天子崩大廟火日食后夫人之喪雨霽

服失容則廢夫人君之夫人

曾子問曰天子嘗禘郊社五祀之祭簠簋既陳天子崩

禮記集說卷一百一十五曾子問

后之喪如之何孔子曰廢

既陳謂夙興陳饌牲器時也天子七祀言五者關中言之

○愚按漢桓帝時太子卒亦罷郊也

曾子問曰當祭而日食大廟火其祭也如之何孔子曰

接祭而已矣如牲至未殺則廢

接祭而已不迎尸也○疏云接捷也○愚按接

恐當如是日也接之接言俟救火與日食畢而更接連其祭也

天子崩未殯五祀之祭

不行既殯而祭其祭也尸入三飯不侑醑不酢而已矣

自啓至于反哭五祀之祭不行已葬而祭祝畢獻而已

既葬彌吉畢獻祝而後止郊社亦然惟嘗禘宗廟俟吉也○方氏苞曰惟祭天地社稷越紼而行事則外此皆不親也乃於始殯之後躬親五祀頗其類矣注疏自護其說乃云天地社稷去殯處遠故越紼五祀去殯近暫

往則還不爲越紼不權以義之重  
輕而較其地之遠近何其蔽也

曾子問曰諸侯之祭社稷俎豆既陳聞天子崩后之喪

君薨夫人之喪如之何孔子曰廢亦謂夙興陳饌牲器時也自薨比

至于殯自啓至于反哭奉帥天子帥循也所奉循如天子者謂五祀之祭也

社稷亦然

曾子問曰大夫之祭鼎俎既陳籩豆既設不得成禮廢

者幾孔子曰九請問之曰天子崩后之喪君薨夫人之

喪君之大廟火日食三年之喪齊衰大功皆廢外喪自

齊衰以下行也齊衰異門則祭○方氏苞曰總不祭觀此條義乃明蓋必同宮然後廢祭也知

然者以外喪自齊衰以下行也諸侯之大夫服夫人期  
天王七月皆廢祭則外喪齊衰謂世父母叔父母兄弟  
不同宮者可知以同宮為斷則祭之廢者寡矣其齊衰之祭也尸入三飯不侑

醕不酢而已矣大功酢而已矣小功總室中之事而已

矣室中之事謂賓長獻○舊說室中之事獻尸祝佐食也賓長獻佐食畢即止無致爵以下事疏云此小功

總兼士之所以異者總不祭然則士不得成禮者十一所祭於死者

無服則祭謂若舅舅之子從母昆弟

曾子問曰三年之喪弔乎孔子曰三年之喪練不羣立

不旅行為其苟語君子禮以飾情三年之喪而弔哭不

亦虛乎為彼哀則不專於親也為親哀則是妄弔

曾子問曰大夫士有私喪可以除之矣而有君服焉其

除之也如之何孔子曰有君喪服於身不敢私服又何

除焉

重喻輕也私喪家之喪也喪服四制曰門外之治義斷恩

於是乎有過時而弗

除也君之喪服除而后殷祭禮也

謂主人也支子則否○殷盛也大也殷祭

謂二祥之祭

曾子問曰父母之喪弗除可乎

以其有終身之憂○謂庶子也

孔子曰

先王制禮過時弗舉禮也非弗能勿除也患其過於制

也故君子過時不祭禮也

言制禮以為民中過其時則不成禮○愚按非弗能勿除

言孝子非不能終身不除喪但禮不許耳



曾子問曰君薨既殯而臣有父母之喪則如之何孔子

曰歸居于家有殷事則之君所朝夕否

居家者因其哀後隆於父母殷

事朔月月半薦新之奠也

曰君既啓而臣有父母之喪則如之何孔

子曰歸哭而反送君

言送君則既葬而歸也歸哭者服君服而歸不敢私服也○疏云既

葬而歸則不待君虞祭也其君耐與卒哭未知臣往君所與否

曰君未殯而臣有父母

之喪則如之何孔子曰歸殯反于君所有殷事則歸朝

夕否

其哀難主於君○愚按君五日殯臣三日殯故得先歸殯存君臣同日殯則不得去君所也

大

夫室老行事士則子孫行事

大夫士其在君所之時則攝其事

大夫內

子有殷事亦之君所朝夕否

謂夫之君既殯而有舅姑之喪者內子大夫妻也妻

為夫之君如婦為舅姑服齊衰○愚按此恐汎言內  
子之君所之節耳未必關君殯與有舅姑之喪否也  
賤不誄貴幼不誄長禮也誄累也累列生時行迹誄唯

天子稱天以誄之以其無尊焉春秋公羊說以為讀諸

侯相誄非禮也禮當言誄於天子也天

曾子問曰君出疆以三年之戒以棨從君薨其入如之

何其出有喪備疑喪入必異也戒猶備也謂孔子曰共

殯服此謂君已大斂殯服謂布深衣苴經散帶垂殯時

則子麻弁經疏衰菲杖棺柩未安不忍成服於外也麻

如寓弁而用布入自闕升自西階闕謂毀宗也柩毀宗

杖者為已病

西階亦異生也所毀宗殯宮門西也於此正棺而服殯服既塗而成服殷柩出毀宗周柩入毀宗禮相變也

如小歛則子免而從柩謂君已小歛也主人布深衣入

自門升自阼階親未入棺不忍異人使如生來反君大夫士一節也

曾子問曰君之喪既引聞父母之喪如之何孔子曰遂

既封而歸不俟子遂遂送君也封當為窆子嗣君也曾子問曰父母之

喪既引及塗聞君薨如之何孔子曰遂既封改服而往

封亦當為遂改服括髮徒跣布深衣扱上衽不以私喪包至尊

曾子問曰宗子為士庶子為大夫其祭也如之何孔子

曰以上牲祭於宗子之家貴祿重宗也上牲大夫少牢祝曰孝子某

爲介子某薦其常事

介副也不言庶使若可以祭然

若宗子有罪居於

他國庶子爲大夫其祭也祝曰孝子某使介子某執其

常事

此之謂宗攝大夫攝主不厭祭不旅不假不綏祭不配皆

正主厭厭飫神也厭有陰有陽迎尸之前祝酌奠奠之

且饗是陰厭也尸謾之後徹薦俎敦設於西北隅是陽

厭也此不厭者不陽厭也不旅不旅酬也假讀爲嘏不

嘏不嘏主人也綏祭謂今主人也綏周禮作墮不配

者祝辭不言以某妃配某氏○方氏苞曰注不言以某

妃配非也五者皆攝主自損抑之義非所以施於神也

事死如事生以主祭者不在而屏先妣不得受祭何義

乎舊說以攝主卽庶子爲大夫者更非也按公羊傳大

夫問君之喪攝主而往蓋凡以國政出子皆攝祭無子

則兄弟或兄弟之子此記攝主正公羊傳所云蓋暫攝

也暫攝則薦徹旣不可使主婦又不可使攝主之妻故

使有司代之而不必夫婦相比以供祀事所謂不配也

皇朝經世文編卷一百一十五

且記特以攝主別之

正恐與上義相蒙耳

布奠於賓賓奠而不舉

布奠謂主

人酬賓奠

解於薦北賓奠謂取解奠於薦南

不歸肉

肉俎也謂與

也此酬之始也奠之不舉止旅

燕其辭于賓曰宗兄宗弟宗子在他國使某辭

辭猶告

也宿賓

之辭與宗子為列則曰宗兄若宗弟昭穆異者曰宗子

而已其辭若云宗兄某在他國使某執其常事使某告

○方氏苞曰即攝

主告賓之辭也

曾子問曰宗子去在他國庶子無爵而居者可以祭乎

孔子曰祭哉

有子孫存不可請問其祭如之何孔子曰

望墓而為壇以時祭

不祭於廟無爵者賤遠辟正主○

望墓而為壇以時祭

於家則壇應

若宗子死告於墓而后祭於家

言祭於家

在寢庭中

容無廟也

容無廟也

容無廟也

○愚按卽有廟庶人無爵亦不合就其廟祭也○方氏  
荀曰宗子既以罪去而其身又死卽其子亦當毀廟而  
祭於寢如死於官則廟可存宗子死稱名不言孝孝宗  
得用其牲禮於子祭於孫止  
稱不敢與之同其辭身沒而已  
但言子某薦其常事  
子祭者以此  
此禮祭也用  
若義也  
順若  
今之祭者不首其義  
故誣於祭也  
首本也誣  
猶妄也

曾子問曰祭必有尸乎  
言無益  
若厭祭亦可乎  
厭時無  
尸○愚

按厭祭當無尸此問凡  
祭似厭無尸亦可不  
孔子曰祭成喪者必有尸尸必

以孫孫幼則使人抱之無孫則取於同姓可也  
人子以有  
子孫爲

成人子不殤  
祭殤必厭蓋弗成也  
厭飫而已不  
祭成喪  
父義由此也  
成其爲人

而無尸是殤之也

與不成人同

孔子曰有陰厭有陽厭

言祭殤之

禮有於陰厭之者

曾子問曰殤不祔祭何謂陰厭陽厭

祔當為備聲之誤也言殤乃不成人祭之不備禮而云陰厭陽厭乎此失孔子指也祭成人始設奠於奧迎尸

於前謂之陰厭尸謾之後改饌於西北隅謂之陽厭殤則不備○陸德明曰祔本或作附○愚按祔附並讀如

字益也先陰厭後陽厭是附益孔子曰宗子為殤而死

庶子弗為後也

族人以其倫代之明不序昭穆立之廟其祭也殤乃不然故疑而問之

愚按倫謂同輩者也與殤為兄弟所以避為後之嫌也殤無為人父之道故不得云為後而云代之者也其殤

有長中下及無服則鄭注喪服記大功衰小功衰者是矣○方氏苞曰庶子即代宗子者對宗子言則代者無

問適庶皆稱庶子

其吉祭特性

尊宗子從成人也凡殤則特祭祔自卒哭成事之後為吉祭

殤不舉肺無所俎無玄酒不告利成

此其無尸及所降也其他如成人舉

肺脊所俎利成

是謂陰厭

是宗子而殤祭之於奧之禮小宗為殤其祭禮亦如之

凡殤與無後者祭於宗子之家當室之白尊于東房是

謂陽厭

凡殤謂庶子之適也或昆弟之子或從父昆弟無後者如有昆弟及諸父此則今死者皆宗子

大功之內親共祖禰者言祭於宗子之家者為有異居

之道也無廟者為禋祭之親者共其牲物宗子皆主其

禮當室之白尊於東房異於宗子之為殤當室之白謂

西北隅得戶明者也明者曰陽凡祖廟在小宗之家小

祭適者天子下祭五諸侯下祭三大夫下祭二士以下

曾子問曰葬引至于堦日有食之則有變乎且不乎

堦道



也變謂異禮

孔子曰昔者吾從老聃助葬於巷黨及塋日有

食之老聃曰止柩就道右止哭以聽變既明反而後

行曰禮也

巷黨黨名也就道右者行相左也變日食也反復也○愚按以北向而言道右道東也

反葬而丘問之曰夫柩不可以反者也日有食之不知

其已之遲數則豈如行哉

已止也數讀爲速

老聃曰諸侯朝天

子見日而行逮日而舍奠大夫使見日而行逮日而舍

舍奠每將舍奠行主

夫柩不蚤出不莫宿

侵晨夜則近姦寇

見星而行者

唯罪人與奔父母之喪者乎日有食之安知其不見星

也

爲無日而慝且君子行禮不以人之親疾患

以人之

父母行禮而恐懼其有患害不爲也  
○方氏苞曰疢當作貼蓋邊近之義吾聞諸老聃云

曾子問曰爲君使而卒於舍禮曰公館復私館不復凡

所使之國有司所授舍則公館已何謂私館不復也復始

死招孔子曰善乎問之也善其問難明也自卿大夫士之家曰

私館公館與公所爲曰公館公館復此之謂也公館若今縣官

舍也公所爲君所命使舍已者○按雜記注云公所爲若今離宮別館也

曾子問曰下殤土周葬于園遂與機而往塗邇故也土周

即周也周人以夏后氏之塋周葬下殤於園中以其去成人遠不就墓也機與尸之牀也以繩紆其中央又以繩從兩旁鉤之禮以機舉尸與之以就今墓遠則其葬

園而斂葬焉塗近故耳與機或爲餘機

也如之何

今人斂下殯於宮中而葬於墓與成人同墓

也

孔子曰吾聞諸老聃曰昔者史佚有子而死下殯也

墓遠

蓋欲葬墓如長殯從成人也長殯有送葬車者則棺載之矣史佚成王時賢史也賢猶有所不知

召公謂之曰何以不棺斂於宮中

欲其斂於宮中如成人也斂於宮中則葬

當載

史佚曰吾敢乎哉

畏知禮也

召公言於周公

為史佚問周公

曰豈不可

言是豈於禮不可不許也○愚按注以豈絕句不可絕句陳注合為一句

史佚行

之

失指以為許也遂用召公之言

下殯用棺衣棺自史佚始也

棺謂斂於棺

曾子問曰卿大夫將為尸於公受宿矣而有齊衰內喪

則如之何孔子曰出舍於公館以待事禮也

吉凶不可同處

孔子曰：「升棺而出。」

為君尸或升者先祖或有為大夫士者○愚按士升大夫冕禮也尸

在廟門外自當服其本服非

卿大夫士皆下之

見而下車尸

必式

禮之小俛

必有前驅

為辟道

子夏問曰：「三年之喪，卒哭，金革之事無辟也者，禮與？」

有司與？」

疑有司初使之然

孔子曰：「夏后氏三年之喪，既殯而致。」

事殷人，既葬而致事。」

致事還其職位於君則卒哭而致事○愚按經文止稱夏殷不及周

注亦不言疏云周人卒哭而致事補經傳所未及也○又按注則卒哭上當脫周人二字觀疏文可見記

曰：「君子不奪人之親，亦不可奪親也。此之謂乎？」

二者恕也孝也

子夏曰：「金革之事無辟也者，非與？」

疑禮當有然

孔子曰：「吾聞。」

諸老聃曰昔者魯公伯禽有爲爲之也

伯禽周公子封於魯有徐戎作

難喪卒哭而征之急王事也征之作費誓○疏云伯禽

爲母喪也○愚按史記魯世家伯禽卽位之後有管蔡

等反淮夷徐戎竝興於是伯禽率師伐之於勝作勝誓

說文作棠誓今書作費誓古今字耳又書多方王來自

奄孔注云周公歸政之明年淮夷奄又叛魯征淮夷作

費誓據此二文則伯禽征淮徐在周公未沒之時故知

爲母喪今以三年之喪從其利者吾弗知也  
時多攻取

無疑也  
之兵言非

也禮

禮記箋

文王世子第八

文王之爲世子朝於王季日三

三皆日朝以其禮同

雞初鳴而衣

服至於寢門外問內豎之御者曰今日安否何如

內豎御者

之屬掌外內之通命者御如今小史直日矣

內豎曰安文王乃喜

孝子恆及

日中又至亦如之

又復也

及莫又至亦如之

莫夕也

其有不

安節則內豎以告文王文王色憂行不能正履

節謂居處故事

履節也

王季復膳

飲食安也

然後亦復初

憂解

食上必在視寒煖

之節

在察也

食下問所膳

問所食者

命膳宰曰末有原應曰諾

然後退

末猶勿也原再也勿有所再進

武王帥而行之

不敢有加焉

庶幾程式之帥循也

文王有疾武王不說冠帶而養

言常在側

文王一飯亦一飯文王再飯亦再飯

欲知氣力箴藥所勝○方

氏苞曰父母有疾當時己之飢飽而飯每減焉或偶輟

一飯亦順其自然必以父母之一飯再飯為準是偽也

設旬月不入勺飲子亦如之可乎○愚按方氏苞刪自

文王有疾至九十三而終止以為劉歆所增竄未知然

否旬有二日乃閒

閒猶瘳也文王謂武王曰女何夢矣

容臥

武王對曰夢帝與我九齡

帝天也

文王曰女以為何也武

王曰西方有九國焉君王其終無諸

撫猶有也言君王則此受命之後也

○愚按作記者追稱之辭耳謂文王受命稱王此先儒之妄說

文王曰非也古者謂年

齡齒亦齡也我百爾九十吾與爾三焉年天氣也齒人

九十年之祥也文王以憂勤損壽武王以安樂延年言

與爾三者明傳業於女女受而成之○愚按此據周公

以身代兄因謂文王以齡與子鑒空造語此記人之妄

說釋文云齡疑通用靈武王初間九齡字徐鉉曰禮記夢帝

與我九齡疑通用靈武王初間九齡字則武王豈不達其義乃

云西方有九國若當時有此齡字則武王豈不達其義也蓋

後人又王九十七乃終武王九十三而終君子曰終

所加文王九十七乃終武王九十三而終君子曰終

成王幼不能泣乍案方氏苞刑不能視乍階行人君之事○

及文王之為世子也句云周公抗世子法於伯禽為成

王不逮事武王非為其不能踐乍也且公於伯禽何待

踐乍而後法可抗其周公相踐乍而治履乍階攝王位

為飲所增竄無疑周公相踐乍而治履乍階攝王位

治天下也○愚按既云周公相則非抗世子法於伯禽

攝王位也鄭蓋誤信明堂位之謬說



欲令成王之知父子君臣長幼之道也

抗翁舉也謂舉以世子之法使

與成王居而學之

成王有過則撻伯禽所以示成王世子之道

也

以成王之過擊伯禽則足以威喻焉

文王之爲世子也

題上事○日知錄二十卷云詩

篇

章句皆篇末題之文王世子篇有日文王之爲世子

也有曰教世子有曰周公踐阼樂記篇有曰子貢問樂

亦同此例後人誤連於本文也又如漢書禮樂志郊祀

歌練時曰一帝臨二凡十九首皆著其名於本章之末

安世房中歌桂華美芳二題傳寫之誤遂以冠後○方

氏苞曰此句非衍也蓋歆於世子之謂也下綴周公踐

阼故於此節綴此句於一獻無介語可也下綴教世子

以示三語乃記禮者各標名曰使人疑古記所傳或有

同異蓋故亂其緒以脩飾其所增實正

凡學世子及學士必時

四時各有所宜學士謂司徒論俊選所升於學者○陸德明曰

學戶孝反教也○愚  
按篇中皆可意求  
春夏學干戈秋冬學羽籥皆於東

序  
序學之羽籥舞象文也用安靜之時學之詩云左手

執籥右手秉翟○愚按萬  
舞舞之總名東序大學也  
小樂正學干大胥贊之籥師

學戈籥師丞贊之  
以四人皆樂官之屬也通職秋冬亦學

國學之政教國子小舞大胥掌學士之版以待致諸子

春人學舍菜合舞秋頒學合聲籥師掌教國子舞羽吹

籥○方氏苞曰周官樂師下大夫四人即記所謂大樂

正也上士八人即所謂小樂正也注疏以大樂正為大

司樂似  
胥鼓南南南夷之樂也胥掌以六樂之會正舞  
未安  
以南以籥不借○方氏苞曰南謂二南也教世子及國  
子而首以南蠻之樂何義哉或謂象簡南籥又謂南亦  
雅樂名蓋以春誦夏弦已包二南不知正始之風尤  
切於修身齊家故始學者於四詩中又時習之也  
春

禮記文王世子

三

誦夏弦大師詔之瞽宗秋學禮執禮者詔之冬讀書典

書者詔之禮在瞽宗書在上庠誦謂歌樂也弦謂以絲播詩陽用事則學之以

瞽陰用事則學之以事因時順氣於功易成也周立三代之學學書於有虞氏之學典謨之教所興也學舞於

夏后氏之學文武中也學禮樂於殷之學功成治定與己同也○愚按詔禮與書不日其人取其善者無專職也

凡祭與養老乞言合語之禮皆小樂正詔之於東序學

三者之威儀也養老乞言養老人之賢者因從乞善言可行者也台語謂鄉射鄉飲酒大射燕射之屬也鄉射

記曰古者大樂正學舞干戚語說命乞言皆大樂正授

於旅也語數學以三者之義也戚斧也語說合語之說也數大司

篇數○愚按數謂多寡劑量三者無篇數也

成論說在東序

論說課其義之深淺才能優劣此云樂

師氏也師氏掌以嫩詔王教國子以三德三行及國中失之事也○方氏苞曰注以大司成為地官之師氏似未安大司成即大司樂也

凡侍坐於大司成者遠近閒三席可以問

閒猶容也容

畫相分別也席之制廣三尺終則負牆

卻就後列事未

盡不問

錯尊者之語不敬也

凡學春官釋奠于其先師秋冬亦如之

官為禮樂詩書

有道者有德者使教焉死則以為樂祖祭於瞽宗此之謂先師之類也若漢禮有高堂生樂有制氏詩有毛公也釋奠者設薦饌酌奠而已無迎尸以下之事

凡始立學者必釋奠于先聖先師及行事必以幣謂天之教始立學官者也先聖周公若孔子○愚按皇氏云行事必用幣謂禮樂器成及出軍之事其告用幣而已此說是孔疏非之何也

凡釋奠者必有合也

國無先聖先師則所釋奠者當與鄰國合也○陳注云合謂合樂也

有國故則否

若唐虞有夔龍伯夷周有周公魯有孔子則各自奠之不合也○陳注云國有凶喪

之凡大合樂必遂養老

大合樂謂春入學舍菜合舞秋

學焉遂養老者謂用其明日也鄉飲酒鄉射之禮明日乃息司正徵唯所欲以告於先生君子可也是養老之

類象

凡語于郊者

語謂論說於郊學○愚按虞庠在國之西郊故曰郊學

必取賢斂才

焉或以德進或以事舉或以言揚大樂正論造士之秀者升諸司馬曰進士

謂此矣○愚按此謂造士所升之餘人不及格曲藝皆

者故復設三科以節取其長非進士之比也

誓之曲藝為小技能也誓其事以待又語又語為後三而一

有焉三說之中有一善則取之以有曲藝不必盡善○

乃後乃進其等進於眾以其序藝為次謂之郊人遠之

侯事官之缺者以代之遠之於成均以及取爵於上尊

也董仲舒曰五帝名大學曰成均則虞庠近是也天子

方氏苞云及當作次蓋以次第取爵

於其長官不得達於君也義恐未安

始立學者既興器用幣成則毀之又用幣告先聖先師

以器然後釋菜告先聖先師以器不舞不授器釋菜禮

成則舞舞則授器司馬之屬司乃退饗于東序一獻無

介語可也言乃退者謂得立三代之學有米廩東序瞽宗也

○方氏苞曰東序即所立學中之東廂蓋釋奠於堂上

而禮賓於東廂非與虞庠相對之夏學也使先有東序

則虞庠之立不可云始若虞庠與東序並立又不應虞

庠不禮賓東序不釋菜以此知注家之誤也願命東序

西序特性饋食設庶教世子亦題

羞於西序皆謂廂

凡三王教世子必以禮樂樂所以脩內也禮所以脩外

也禮樂交錯於中發形於外是故其成也懌恭敬而溫

文中心中也立大傅少傅以養之欲其知父子君臣之

擇說擇

道也養猶教也言養者積浸成長之大傳審父子君臣之道以示之謂

之行其禮少傳奉世子以觀大傳之德行而審喻之為說大

傳在前少傳在後謂其在入則有保出則有師謂燕居出入時

是以教喻而德成也以有四人維持之師也者教之以事而喻

諸德者也保也者慎其身以輔翼之而歸諸道者也慎

身者謹安護之記曰虞夏商周有師保有疑丞記所云謂天子

愚按質疑曰疑相助曰丞設四輔及三公不必備唯其人語使能也

語言也得能則用之無則已不必備其官也小人處君

其位不如且闕○按方氏苞刪自記曰以下至此止君

子曰德德成而教尊教尊而官正官正而國治君之謂



也

○陳注云君子曰德此德指世子之德

仲尼曰昔者周公攝政踐阼而治抗世子法於伯禽所

以善成王也聞之曰為人臣者殺其身有益於君則爲

之況于其身以善其君乎周公優爲之

聞之者聞之於古也于讀爲迂

迂猶廣也大也○按方氏苞全刪此一段

是故知爲人子然後可以爲人父知爲人臣然後可以

爲人君知事人然後能使人成王幼不能蒞阼以爲世

子則無爲也

以爲世子若爲世子時○愚按先習卑辱之事然後明於尊上之理乃能順事恕施

也是故抗世子法於伯禽使之與成王居

亦學此禮欲於成王側

令成王之知父子君臣長幼之義也君之於世子也親則父也尊則君也有父之親有君之尊然後兼天下而有之是故養世子不可不慎也

處君父之位覽海內之士而近不能教其子則

其餘不足觀矣○按方氏  
苞刪成王幼以下至此止

行一物而三善皆得者唯世子而已其齒於學之謂也

物猶  
事也

故世子齒於學國人觀之曰將君我而與我齒讓

何也曰有父在則禮然然而眾知父子之道矣其二曰將君我而與我齒讓何也曰有君在則禮然然而眾著於君臣之義也其三曰將君我而與我齒讓何也曰長

長也然而眾知長幼之節矣故父在斯爲子君在斯謂

之臣居子與臣之節所以尊君親親也故學之爲父子

焉學之爲君臣焉學之爲長幼焉學教父子君臣長幼之

道得而國治語曰樂正司業父師司成一有元良萬國

以貞世子之謂也司主也一人也元周公踐阼亦題上事

庶子之正於公族者教之以孝弟睦友子愛明父子之

義長幼之序正者政也庶子司馬之屬掌國子之倖爲政於公族者○愚按子愛疑如子諒之子

韓詩外傳其朝于公內朝則東面北上臣有貴者以齒

子諒作慈其在外朝則以官司士爲之外朝路寢門之外

寢庭

屬也掌羣臣之班正朝儀之位也其在宗廟之中則如外朝之位宗人

授事以爵以官宗人掌禮及宗廟也以爵貴賤異位也

奉羊司空奉豕○方氏苞日官謂有職司者爵謂無職

司而有爵命者無職司而有爵命亦或授以事無爵者

序立而已蓋宗廟之中與外朝異雖無爵

者得與而事則不及焉故特文以著之也

其登餼獻受爵則以上嗣食禮言之受爵謂上嗣舉奠

也獻謂舉奠洗爵酌入也餼謂宗人遣舉奠盥祝命之

餼也大夫之嗣無此禮辟君也○方氏苞日注以特牲

嗣舉奠禮為獻受爵之序非也舉奠主人之嗣子也此

記所謂上嗣公族也所謂獻即長兄弟之加爵也所謂

受爵即受尸酢爵也獻受爵惟長兄弟一人餼則與者

稍多然皆以上嗣而餘子不得與焉餼者有常數故不

能偏也○愚按三者皆登堂為之

故以其登目下事先言餼重也

禮記卷文王世子

庶子治之雖有三命不踰父兄

治之治公族之禮也唯於內朝則然其餘會聚

之事則與庶姓同一命齒於鄉里再命齒於父族三命

不齒不齒者特為位不在父兄行列中○疏云此句應

承第二條前臣有貴者以齒之下

當是簡札遺脫鄭不言者略耳

其公大事則以其喪

服之精麤為序雖於公族之喪亦如之以次主人

謂死

喪也其為君雖皆斬衰序之必以本親也主人主喪者次主人者主人恆在上主人雖有父兄猶不得下齒

若公與族燕則異姓為賓

同宗無相賓客之道

膳宰為主人

君尊不獻

酒

公與父兄齒

親親也

族食世降一等

親者稠疏者希

其在軍則守於公禡

謂從軍者公禡行主也所以遷主言禡在外親也

公若有

出疆之政

謂朝覲會同也

庶子以公族之無事者守於公宮正

室守大廟

正室適子也大廟大祖之廟

諸父守貴宮貴室

謂守諸子路寢

諸孫守下宮下室

下宮親廟也下室燕寢或言宮或言廟通異語

五廟之孫祖廟未毀雖為庶人冠取妻必告死必赴練

祥則告

赴告於君也實四廟孫而言五廟者容顯考為始封子也

族之相為也宜弔

不弔宜免不免有司罰之

弔謂六世以往免謂五世

至于贈賻承含

皆有正焉

承讀為贈聲之誤也正正禮也

公族其有死罪則磬于甸人

不於市朝者隱之也甸人掌郊野之官縣益殺之曰

磬其刑罪則纖剕亦告于甸人

纖讀為殲殲刺也剕割也宮割臍墨剕別皆以

刀鋸剕割人體也告讀為鞠讀書用法曰鞠

公族無宮刑

宮割刑獄成有司讞

于公其死罪則曰某之罪在大辟其刑罪則曰某之罪

在小辟成平也讞之言公曰宥之有寬也欲寬其有司

又曰在辟公又曰宥之又復有司又曰在辟及三宥不

對走出致刑于甸人對答也先者君每言宥則答之以

往刑之為君公又使人追之曰雖然必赦之有司對曰

無及也罪既正不可宥乃欲反命于公刑殺公素服不

舉為之變如其倫之喪無服素服於凶事為吉於吉事

臣卿大夫死則皮弁錫衰以居往弔當事則弁經於士

蓋疑衰同姓則總衰以弔之今無服者不往弔也倫謂

親疏之比也素親哭之不往弔為位哭之而已

服亦皮弁矣君於臣使有司哭之

公族朝于內朝內親也雖有貴者以齒明父子也謂以宗族

事會外朝以官體異姓也體猶連結也○愚按體一體也嫌親疏異視之下文體百姓同

宗廟之中以爵爲位崇德也崇高也宗人授事以官尊賢

也官各有能登餽受爵以上嗣尊祖之道也上嗣祖喪紀以

服之輕重爲序不奪人親也紀猶事也公與族燕則以齒而

孝弟之道達矣以至尊不自異於親之列其族食世降一等親親之

殺也殺差也戰則守於公禰孝愛之深也行主君父之象正室守

大廟尊宗室而君臣之道著矣以其不敢以諸父諸兄庶守君所重

守貴室子弟守下室而讓道達矣以其貴者守貴賤者守賤上言父子孫此



言兄弟互相備也

五廟之孫祖廟未毀雖及庶人冠取妻必告死必赴不忘親也親未絕而列於庶人賤無能也敬弔臨賻贈睦友之道也古者庶子之官治而邦國有倫邦國有倫而眾鄉方矣鄉方言知所鄉公族之罪雖親不以犯有司正術也所以體百姓也犯猶干也術法也刑于隱者不與國人慮兄弟也弗弔弗爲服哭于異姓之廟爲忝祖遠之也素服居外不聽樂私喪之也骨肉之親無絕也公族無宮刑不翦其類也翦割截也

天子視學大昕鼓徵所以警眾也

早昧爽擊鼓以召眾也警猶起也周禮凡

用樂大胥以鼓徵學士

眾至然後天子至乃命有司行事興秩節

祭先師先聖焉

興猶舉也秩常也節猶禮也使有司攝其事舉常禮祭先師先聖不親祭之者

視學親禮耳非為彼報也○愚按先師先聖先老蒞天子親祭之而有司贊之注未安

有司卒事

反命

卒事謂終奠徹之事有司職也

始之養也

又之養老

之處凡大合樂必遂養老是以往焉言始始立學也

適東序釋奠於先老

親奠之者已所

有事也養老東序則是視學於上

遂設三老五更羣老

之席位焉

三老五更各一人也皆年老更事致仕者也天子以父兄養之示天下之孝悌也名以三

五者取象三辰五星天所因以照明天下者羣老無數其禮亡以鄉飲酒禮言之帝位之處則三老如賓五更

如介羣老如眾賓必也○愚按蔡邕云更當為叟三適  
老三人五更五人非鄭義也以東漢事證之鄭說是適

饌省醴養老之珍具親視其遂發咏焉退脩之以孝養

也發咏謂以樂納之退脩之謂既迎而入獻之以醴獻

醴樂聲既發則天子遂退樂記天子執醬而饋執爵而

示欲親醴總干正與此篇義相發明執醬示欲親饋執爵

此篇云適醴則不親饋省醴則不親酌發咏而退則不

親舞蓋養老於東序而天子位在太學中堂樂聲甫作

即退反其位也使天子親饋獻則老更當拜親舞則老

更當立而待非所以安養之也反登歌清廟反謂獻羣

燕禮宰夫為獻主義亦如此反登歌清廟老畢皆升

就席也反就席乃席工於西階上歌清廟以樂之○方

氏苞曰天子將退時老更必離位致敬既退然後各反

其位既歌而語以成之也言父子君臣長幼之道合德

也

音之致禮之大者也

既歌謂樂正告正歌備也語談說

幼之道諸合樂之所美以成其意鄉射記曰古者於旅

也語○愚按清廟之歌德音也德音即父子君臣長幼是

也故言說其下管象舞大武大合眾以事達有神興有

道以合其致

德也象周武王伐紂之樂也以管播其聲又為之舞皆

之有神也興有德美文王武正君臣之位貴賤之等焉

王有德師樂為用前歌後舞

而上下之義行矣與武也

有司告以樂闋以歌舞之樂

終此所告者

王乃命公侯伯子男及羣吏曰反養老幼

于東序終之以仁也羣吏鄉途之官王於燕之末而命

此禮是終其仁心孝經說所謂諸侯歸各帥於國大夫

勤於朝州里驩於邑是也○方氏苞曰并及幼者周官

養耆老孤子  
事每相連

是故聖人之記事也慮之以大

謂先本於孝弟之道○愚按記字未詳疏云記

序亦愛之以敬

謂省其所以

行之以禮

謂親迎之脩之

未安

謂親獻

紀之以義

謂既歌

終之以仁

謂又以命

國復自

是故古之人一舉事而眾皆知其德之備也古

之君子舉大事必慎其終始而眾安得不喻焉

言其為

露見盡可得而

兌命曰念終始典于學

兌當為說說命

知也喻猶曉也

之臣傳說之所作典常也念事

之終始常於學學禮義之府

世子之記曰朝夕至于大寢之門外問於內豎曰今日

安否何如朝夕朝朝暮夕也日中又朝文王之爲世內

豎曰今日安世子乃有喜色其有不安節則內豎以告

世子世子色憂不滿容色憂憂淺也不及內豎言復初

然後亦復初朝夕之食上世子必在視寒煖之節食下

問所膳羞必知所進以命膳宰然後退羞必知所進若

內豎言疾則世子親齊玄而養親猶自也養疾者膳宰

之饌必敬視之疾者之食齊疾之藥必親嘗之試毒嘗

饌善則世子亦能食善謂多嘗饌寡世子亦不能飽又

及武王一飯再飯以至於復初然後亦復初復常所服

禮記第

禮運第九

昔者仲尼與於蜡賓

蜡者索也歲十二月合聚萬物而索饗之亦祭宗廟時孔子仕魯在

助祭事畢出遊於觀之上喟然而嘆

觀闕也孔子見魯君於祭禮有不備

於此又觀象魏舊章之處感而嘆之

仲尼之嘆蓋嘆魯也言偃在側曰君

子何嘆

言偃孔子弟子游

孔子曰大道之行也與三代之英

未之逮也而有志焉

大道謂五帝時也英俊選之尤者逮及也言不及見志謂識古文不

言魯事為其大切廣言之○惡按志當為志於學之志

大道之行也天下為公選賢與能講信脩睦

公猶共也禪位授聖

不家之故人不獨親其親不獨子其子孝慈之道廣也使老有

睦親也故人所終壯有所用幼有所長矜寡孤獨廢疾者皆有所養

無乏也男有分分猶職也女有歸皆得良與之家貨惡其棄於地也不

必藏於己力惡其不出於身也不必為己勞事不憚施無吝心仁厚

之教是故謀閉而不興盜竊亂賊而不作尚辭讓之故也故外

戶而不閉禦風氣而已是謂大同同猶和也平也

今大道既隱隱猶去也天下為家傳位於子各親其親各子其子

貨力為己俗狹大人世及以為禮城郭溝池以為固亂

繁多為此以服之也禮義以為紀以正君臣以篤父子以賊



睦兄弟以和夫婦以設制度以立田里以賢勇知以功

爲己故謀用是作而兵由此起以其違大道敦朴之本也教令之稠其弊則然

老子曰法令滋章盜賊多有禹湯文武成王周公由此其選也由能用禮義

以成治此六君子者未有不謹於禮者也以著其義以

考其信著有過刑仁講讓示民有常考成也刑猶則也○愚按治國以禮

爲本六君子謹禮而行著義以下五事示民爲常法如有不由此者在執者去厭

以爲殃執執位也去罪退之也殃猶禍惡也○陳注云

之主共是謂小康康安也大道之人以禮於忠信爲

廢黜之言偃復問曰如此乎禮之急也孔子曰夫禮先王以承

天之道以治人之情故失之者死得之者生詩曰相鼠

有體人而無禮人而無禮胡不遘死相視也遘疾也言

而無禮者矣人而無禮可是故夫禮必本於天殺於地

列於鬼神聖人則天之明因地之利取法度於鬼神以

上也鬼者精魂所歸神者引物而出謂祖達於喪祭射

御冠舄朝聘民知嚴上則此故聖人以禮示之故天下

國家可得而正也則民知禮

言偃復問曰夫子之極言禮也可得而聞與欲知禮終

孔子曰我欲觀夏道欲行其禮是故之杞杞夏后氏而

不足徵也

○微成也無賢君不足與成也○朱子論語注云微證也

吾得夏時焉

夏得

四時之書也其我欲觀殷道是故之宋而不足徵也

宋

書存者有小正後也吾得坤乾焉

得殷陰陽之書也其書存者有坤乾

歸藏○熊氏曰殷易以坤為首

之義夏時之等吾以是觀之

觀於二書之意

夫禮之初始諸飲食其燔黍捭豚汙尊而抔飲蕢桴而

土鼓猶若可以致其敬於鬼神

言其物雖質略有齊敬之心則可以薦羞於鬼

神鬼神饗德不饗味也中古未有釜甌釋米捭肉加於

燒石之上而食之耳今北狄猶然汙尊盤地為尊也抔

飲手掬之也蕢讀為缶聲之誤也缶壺及其死也升屋

也謂捭土為桴也土鼓築土為鼓也

而號告曰皋某復

招之於天○陳注

然後飯腥而苴孰

飯以稻米上古未有火化直孰取遺奠有故天望而地

藏也體魄則降知氣在上謂葬故死者北首首陰生者

南鄉鄉陽也皆從其初謂今行之然也

昔者先王未有宮室冬則居營窟夏則居橧巢寒則累土暑則

居其薪柴上未有火化食腥也食草木之實鳥獸之肉飲其血

茹其毛未有麻絲衣其羽皮此上古之時也後聖有作然後脩

火之利孰治萬物范金鑄作器用○陳注云范字當從竹韻注云以土曰型以金曰鎔以木曰模

以竹范合土愚按大秦同樽名以為臺榭宮室牖戶榭器之所

也藏以炮之也以燔加於以亨煮也以炙貫之以為醴酪

烝釀之也酪酢哉治其麻絲以爲布帛以養生送死以事鬼神

上帝皆從其朔朔亦初也亦謂今行之然

故玄酒在室醴醑在戶粢醑在堂澄酒在下陳其犧牲

備其鼎俎列其琴瑟管磬鐘鼓脩其祝嘏以降上神與

其先祖以正君臣以篤父子以睦兄弟以齊上下夫婦

有所是謂承天之祜此言今禮饌具所因於古及其事義也粢讀爲齊聲之誤也周禮五

齊一曰泛齊二曰醴齊三曰盎齊四曰醢齊五曰沈齊字雖異釀與盎澄與沈蓋同物也奠之不同處重古略

近也祝祝爲主人饗神辭也嘏祝爲尸致福於主人之辭也祜福也福之言備也

作其祝號玄酒以祭薦其血毛腥其俎孰其殽與其越

席疏布以冪衣其泝帛醴醢以獻薦其燔炙君與夫人

交獻以嘉魂魄是謂合莫

此謂薦上古中古之食也周禮祝號有六一日神號二日

鬼號三曰祗號四曰牲號五曰齋號六曰幣號號者所以尊神顯物也腥其俎謂豚解而腥之及血毛皆所以

法於大古也孰其殽謂體解而燭之此以下皆所法於

中古也越席翦蒲也冪覆尊也泝帛練染以爲祭服嘉

樂也莫虛無也孝經說曰上通無莫○按注無莫無本

作无无奇字無字也正義云上通元莫者孝經緯文言

人之精靈所感上通元氣寂寞引之者證莫爲虛無也

正本元字作无謂虛無寂寞義或然也按注疏今本无

誤作無此依段若膺

據北宋本訂正之

然後退而合享體其犬豕牛羊實

其簋簠豆鉶羹祝以孝告嘏以慈告是謂大祥

此謂薦今

世之食也體其犬豕牛羊謂分別骨肉之貴賤以爲羶俎也祝以孝告嘏以慈告各首其義也祥善也今世之

食於人道  
為善也  
此禮之大成也  
解子游以禮所成也

孔子曰嗚呼哀哉我觀周道幽厲傷之吾舍魯何適矣

政亂禮失以魯之郊禘非禮也周公其衰矣  
非猶失也

為魯尚愈魯之郊禘非禮也周公其衰矣  
魯之郊牛

口傷蹊鼠食其角又有四卜郊不從是周公之道衰矣

言子孫不能奉行興之○愚按言非禮者魯諸侯也臚

於郊祀自亂周公之制法孔子遊於觀之上喟杞之郊

然而嘆為此也注以口傷食角等為非禮恐誤也禹也宋之郊也契也是天子之事守也  
先祖法度子

愚按言二國於禮得郊是世故天子祭天地諸侯祭社

守天子之事故也反議魯稷  
○按方氏苞斷此

祝嘏莫敢易其常古是謂大假  
假亦大也不敢改其常

將言今不然○陳  
注云假亦當作嘏

祝嘏辭說藏於宗祝巫史非禮也是謂幽國

藏於宗祝  
巫史言君

不知有也幽闇也國闇者君與大夫俱不明也○愚按  
祝嘏辭說藏於宗祝巫史不令人見也如秦祕祝移過  
於下之類幽隱闇也

醯醢及尸君非禮也是謂僭君

僭禮之君也醯醢先王  
之爵也唯魯與王者之

後得用之耳其餘諸  
侯用時王之器而已

冕弁兵革藏於私家非禮也是謂脅君

劫脅之君也冕  
弁君之尊服兵

革君之武衛及軍器也○愚按大夫  
冕弁皆公家爲之周禮弁師可見

大夫具官祭器不假聲樂皆具非禮也是謂亂國

臣之  
奢富



儉○愚按大夫祭不用樂少牢饋食無奏樂之文

故仕於公曰臣仕於家曰僕三年之喪與新有昏者期

不使以衰裳入朝與家僕雜居齊齒非禮也是謂君與

臣同國

臣有喪昏之事而不歸反服其衰裳以入朝或與僕相等輩而處是謂君臣共國無尊卑也有

喪昏不歸唯君耳臣有喪昏當致事而歸僕又不可與士齒

故天子有田以處其子孫諸侯有國以處其子孫大夫

有采以處其子孫是謂制度

言今不然也春秋昭元年秦伯之弟鍼出奔晉刺其

有千乘之國不能容其母弟○方氏苞曰此畿內大夫有勳勞賜世邑如周召分子見於春秋者金滕王與大夫盡弁與此篇所舉皆該公卿故天子適諸侯必舍其祖廟而不以禮

籍入是謂天子壞法亂紀

以禮籍入謂大史典禮執簡記奉諱惡也天子雖尊舍人

宗廟猶有敬焉自拱勅也

諸侯非問疾弔喪而入諸臣之家是謂君

臣爲讎

無故而相之是戲讎也陳靈公與孔寧儀行父數如夏氏以取弑焉

是故禮者君之大柄也所以別嫌明微儆鬼神考制度

別仁義所以治政安君也

疾今失禮如此爲言禮之大義也柄所操以治事

故

政不正則君位危君位危則大臣倍小臣竊刑肅而俗

敝則法無常法無常而禮無列禮無列則士不事也刑

肅而俗敝則民弗歸也是謂疵國

又爲言政失君危之禍敗也肅駿也疵病

也

故政者君之所以藏身也

於此又遂爲之言政也藏謂

月星辰之神

是故夫政必本於天

散以降命氣以下教令天

有運移之期

命降于社之謂散地

謂教令由社下者也

陰陽之節也

土會之法有降于祖廟之謂仁義

謂教令由祖下者大

五地之物生

降于山川之謂興作

謂教令

于祖遠者輕仁也自祖率

而下至於禍高者重義也

降于山川之謂興作

下者也山川有草木禽

獸可作器物共國事

降于五祀之謂制度

五祀有中雷門戶竈行之神此始爲宮室制度

方氏苞以此五祀爲五行之帝

蓋以祀門行戶竈無命

之可降此聖人所以藏身之固也

政之行如此何用

故聖人參於天地竝於鬼神以治政也處其所存禮之

序也玩其所樂民之治也

竝井也謂比方之也存察也治所以樂其事居也○方氏

荀曰物必有則其所存也節之文之各就其本然之則處其所存也是禮之所以序也玩與易大傳玩辭玩占之義略同謂思索而體驗之也觀周官於民治凡利於民者皆曲盡而無遺乃聖人玩其所樂之實故天

生時而地生財人其父生而師教之四者君以正用之

故君者立於無過之地也

順時以養財尊師以教民而以治政則無過差矣易曰何

以守位曰仁何以聚人曰財

故君者所明也非明人者也君者所養也非養人者也

君者所事也非事人者也故君明人則有過養人則不

足事人則失位

明猶尊也○愚按君自昭明德是人所觀法以爲明也非恃覺察以明人也○

陳注讀明爲則今未敢從故百姓則君以自治也養君以自安也事君以自顯也故禮達而分定故人皆愛其死而患其生則當爲明人之道身治居安名顯則不苟生也不義而死舍義而生是不愛死患生也。愚按則讀如字君者所明故百姓法則於君以自治其身也

故用人之知去其詐用人之勇去其怒用人之仁去其

貪用知者之謀勇者之斷仁者之施足以成治矣詐者害民信怒者害民命貪者害民財三者亂之原故

國有患君死社稷謂之義大夫死宗廟謂之變變當爲辯聲之

誤也辯猶正也君守社稷臣衛君宗廟者患謂見國入方氏苞曰大夫死國事常也若死己之宗廟則必族有亂人爲君所討事之變也

故聖人耐以天下爲一家以中國爲一人者非意之也

必知其情辟於其義明於其利達於其患然後能爲之

耐古能字傳書世異古字時有存者則亦有今誤矣意

心所無慮也辟開也○愚按無慮古人語未詳疏云卽

慮無也又按無慮古人語今何謂人情喜怒哀懼愛惡

人言模量卽無慮聲之轉耳欲七者弗學而能何謂人義父慈子孝兄良弟弟夫義

婦聽長惠幼順君仁臣忠十者謂之人義講信脩睦謂

之人利爭奪相殺謂之人患極言人事故聖人之所以治人

七情脩十義講信脩睦尙辭讓去爭奪舍禮何以治之

唯禮可耳飲食男女人之大欲存焉死亡貧苦人之大惡存

焉故欲惡者心之大端也人藏其心不可測度也美惡

皆在其心不見其色也欲一以窮之舍禮何以哉言人

難知明禮之重○愚按七情單舉欲惡者欲惡總七情

之要其餘五者相生相變也美惡皆在其心美惡即謂

七情之中失也禮所以節七情明十義故舍禮無以

故人者其天地之德陰陽之交鬼神會五行之秀氣

也言人兼此氣性純也○愚按天地之德健順是也人

性之本乎五行是其秀氣所疑也德以性言交會兼性與

氣言秀氣以氣兼性言注云言人兼此氣性純是統論

四句疏以天地陰陽屬

氣鬼神五行屬性非也

故天秉陽垂日星秉猶持也言天持陽地秉陰竅於山

豐己節禮運

川播五行於四時和而后月生也是以三五而盈三五

而闕

竅孔也言地持陰氣出內於山川以舒五行於四時此氣和乃后月生而上配日若臣功成進爵位

也一盈一闕屈伸之義也必三五者播五行於四時也

一曰水二曰火三曰木四曰金五曰土合爲十五之成

數也○李先地曰日星從天而屬陽四時日星之所經

也山川從地而屬陰五行山川之所主也○愚按垂陽

象竅陰象也播宣布也四時調五行之動迭相竭也五

和月生如期卽日行循軌可知

行四時十二月還相爲本也五聲六律十二管還相爲

宮也五味六和十二食還相爲質也五色六章十二衣

還相爲質也

竭猶負載也言五行運轉更相爲始也五聲宮商角徵羽也其管陽曰律陰曰呂布

十二辰始於黃鍾管長九寸下生者三分去一上生者三分益一終於南呂更相爲宮凡六十也五味酸苦辛



鹹甘也和之者春多酸夏多苦秋多辛冬多鹹皆有滑  
甘是謂六和五色六章畫績事也周禮考工記曰土以  
黃其象方天時變火以圜山以章水以龍鳥獸蛇雜四  
時五色之位以章之謂之巧也。愚按竭終盡也鄭訓  
負載則當為竭矣

故人者天地之心也五行之端也食味別聲被色而生

者也

此言兼氣性之效也。愚按人居天地中間而秀  
靈故曰心人一身具五行之事端緒也此言兼氣

性之  
驗也

故聖人作則必以天地為本以陰陽為端以四時為柄

以日星為紀月以為量鬼神以為徒五行以為質禮義

以為器人情以為田四靈以為畜

天地以至於五行其  
制作所取象也禮義

人情其政治也四靈者其徵報也此則春秋始於元終  
於麟包之矣呂氏說月令而謂之春秋事類曰近焉靈  
猶分也鬼神謂山川也山川助地通氣之象也器所以  
操事田人所孚治也禮之位賓主象天地介俎象陰陽  
四面之位象四時三賓象三炁夫婦象日月亦是也○  
疏云自天地為本以下凡十句總覆說前事也禮義為  
未轉可耕治人情○愚按注以鬼神為山川恐非既云  
覆說前文則前云鬼神之會不得謂專指山川也竊謂  
鬼神以為徒即前所謂竝於鬼神也聖人政治與鬼神  
合吉凶即與鬼神為徒侶也徒猶黨也五行為質與  
四時為柄不同柄所操也操時以作  
事質謂幹也依五行之理以立幹

以天地為本故物可舉也

物天地所養生

以陰陽為端故情可

睹也

情以陰陽通也

以四時為柄故事可勸也

事以四時成

以日星

為紀故事可列也

事以日與星為候興作有次第

月以為量故功有藝

也

藝猶才也十二月各有分猶人之才各有所長也藝或為倪○愚按藝能也按十二月之分限課事則各

效其能方氏苞以藝為貪

鬼神以為徒故事可守也

守職不移○愚按聖人作事

五行以為質故事可復也

鬼神協從故可守而勿失

五行以為質故事可復也

其道也五行終則復始道可常行

禮義以為器故事

行有考也

利則事成也器人情以為田故人以為奧也

奧猶主也

田無主則荒○愚按奧深處也治人情如治田

不使勞穰害嘉穀故人以為奧區而墾治之

四靈以

為畜故飲食有由也

由用也四靈與羞物為羣

何謂四靈麟鳳龜龍謂之四靈故龍以為畜故魚鮪不

滄鳳以為畜故鳥不獮麟以為畜故獸不狘龜以為畜

故人情不失

滄之言閃也猶猿飛走之貌也失猶去也

人情之疑不失言得事理也

故先王秉耒耨列祭祀瘞繒宣祝嘏辭說設制度故國

有禮官有御事有職禮有序

皆卜筮所造置也埋牲曰瘞幣帛曰繒宣猶揚也繒

或作贈

故先王患禮之不達於下也

患下不信也

故祭帝於郊所以

定天位也祀社於國所以列地利也祖廟所以本仁也

山川所以備鬼神也五祀所以本事也故宗祝在廟三

公在朝三老在學王前巫而後史卜筮瞽侑皆在左右

王中心無爲也以守至正

此所以達禮於下也教民尊

人也。有輔也。○愚按達嚴上之禮故曰定天位達報

恩之禮故曰列地利。○陳注王中爲句心字屬下讀

故禮行於郊而百神受職焉禮行於社而百貨可極焉

禮行於祖廟而孝慈服焉禮行於五祀而正法則焉

言信

得其禮則神物與人皆應之百神列宿也百貨

故自郊

社祖廟山川五祀義之脩而禮之藏也

脩猶飾也藏若其城郭然

是故夫禮必本於大一分而爲天地轉而爲陰陽變而

爲四時列而爲鬼神其降曰命

聖人象此下之以爲教

分曰

其官於天也

官猶法也此聖人所以法於天也○方氏苞曰天以健順之理降於人而

為命人秉之為性是即其受於天之職分故曰官於天  
朱軾曰通節皆言太極陰陽之理至下節始言先王本  
此為禮以教人

夫禮必本於天本於大一動而之地後法列而之事後法

五祀五祀所變而從時後法四時方氏苞曰因協於

分藝協合也言禮合於月之分猶人之才也合於月之

分以下疑後人竄入其居人也曰養養當作義字之誤

者不然何自注自疏其居人也曰養養當作義字之誤

居人身為義孝經說曰義由人出○按養王肅讀如字

家語亦同蓋以下云穫而弗食食而弗肥字宜曰養其  
說非也其行之以貨力辭讓飲食冠昏喪祭射御朝聘  
今從鄭其行之以貨力辭讓飲食冠昏喪祭射御朝聘  
貨摯幣庭實也力筋  
骸強者也不則偃罷

故禮義也者人之大端也所以講信脩睦而固人肌膚

之會筋骸之束也所以養生送死事鬼神之大端也所

以達天道順人情之大寶也寶孔穴也故唯聖人爲知禮之

不可以已也故壞國喪家亡人必先去其禮言愚者之反聖人也

故禮之於人也猶酒之有藥也君子以厚小人以薄皆得

以爲美味性善者醇耳○愚按言君子小人皆不能去禮也

故聖王脩義之柄禮之序以治人情治者去瑕穢養菁華也故人

情者聖王之田也脩禮以耕之和其剛柔○愚按人道先禮田事首耕耕有疆

界禮亦有分限也陳義以種之樹以善道○愚按義合時措種別土宜講學以耨

之存是去非類也本仁以聚之合其所盛。愚按聚收斂也。仁

皆本於仁則凡事立播樂以安之聚眾善猶穀登眾寶禮義講學

乎其誠而德凝焉道德猶安故禮也者義之實也協諸義而協禮於義則

適於飽飫與義合不乖刺。方氏苞曰義虛縣而無所麗則禮雖

著於事物而禮生焉故曰禮也者義之實也先王未之有可以義起也以其合於義義者藝之分仁

之節也藝猶才也協於藝講於仁得之者强也有義則人服之

能也以事言仁惠愛也以心仁者義之本也順之體也

言二者皆得義以自堅强得之者尊有仁則人仰之也。愚按仁為眾善之

本百順之原天之尊爵故得之而尊故治國不以禮猶無耜而耕也無以為禮不本於義猶



耕而弗種也

思按注闕二字無由生也。

爲義而不講之以學猶

種而弗耨也

苗不殖草不除

講之以學而不合之以仁猶耨而

弗穫也

無以知收之豐荒也

合之以仁而弗安之以樂猶穫而弗

食也

不知味之甘苦

安之以樂而不達於順猶食而弗肥也

不功

見也。

思按前文至播樂以安而止此又益以達順者樂安則修己之功達順則安百姓贊天地之極致

四

體既正膚革充盈人之肥也父子篤兄弟睦夫婦和家

之肥也大臣法小臣廉官職相序君臣相正國之肥也

天子以德爲車以樂爲御諸侯以禮相與大夫以法相

序士以信相考百姓以睦相守天下之肥也是謂大順

大順者所以養生送死事鬼神之常也

常謂皆有禮用無匱乏也車或

爲居。愚按以厚德載物故曰爲車和樂以行之故曰爲御

故事大積焉而不苑竝

行而不繆細行而不失深而通茂而有閒連而不相及

也動而不相害也此順之至也

言人皆明於禮無有蓄亂滯合者各得其分理

順其職也。愚按下四句即承上三句言深而通承細

行不失句言深微有不通是細行有闕失也茂而有閒

承大積不苑句言茂密而無閒是大積有鬱滯也連而

不相及動而不相害承竝行不繆句言連與動即竝行

不及不害即不繆也此皆汎言人事故以事字總起

之方氏苞牽引禮事訓釋恐非。苑讀于粉反積也故

明於順然後能守危也危小人居危如安易曰危者安

其位

故禮之不同也不豐也不殺也所以持情而合危也

殺豐

謂天子及士名位不同禮亦異數所以拱持其情合安其危。方氏苞曰禮達而分定則當其常可以持情不

至於驕盈當其變可以合危自固以分義故聖王所以順山者不使居川不

使渚者居中原而弗敝也小洲曰渚廣平日原山者利其禽獸渚者利其魚鹽中原

利其五穀使各居其所安不易其利必時勞敝之也民失其業則窮窮則濫用水火金木飲食

必時用水謂漁人以時漁為梁春獻鼈蜃秋獻龜魚也

季秋納火也用金謂什人以時取金玉錫石也用木謂

山虞仲冬斬陽木仲夏斬陰木飲食謂食齊視春時羹

齊視夏時醬齊視合男女頒爵位必當年德謂媒氏令

秋時飲齊視冬時娶女二十而嫁士稽用民必順不奪故無水旱昆蟲

士任進退其爵祿也

禮運

之災民無凶饑妖孽之疾

言大順之時陰陽和也昆蟲

曰孽又作蠱妖又作祆說文云衣服歌謠草木之怪謂之祆禽獸蟲蝗之怪謂之蠱

故天不愛其

道地不愛其寶人不愛其情

言嘉瑞出人情至也

故天降膏露地

出醴泉山出器車河出馬圖鳳皇麒麟皆在郊極龜龍

在宮沼其餘鳥獸之卵胎皆可俯而闕也

膏猶甘也器謂若銀蠶丹

龜也馬圖龍馬負圖而出也板聚草也沼池也○愚按器車謂自然成器也文選上林賦注張揖曰山出象與

瑞應車也象與蓋亦自然有形象也宋書禮志五云殷有山車之瑞謂桑根車殷人制為大路禮緯曰山車垂

句句曲也言不揉治而自曲也古曰桑根車秦曰金根

車漢因秦舊亦為乘輿所謂乘殷之路者也據張揖及禮志之言器車與馬圖為偶不得如鄭君所言矣山車

素木模材不假雕治殷人制以為路取其攻堅故孔子

舍周從殷者也  
極本或作斂  
則是無故  
使之然也  
先王能脩禮以達  
義體信以達順故此順之實也  
實猶誠也  
也盡也